



古之  
中  
子

昭  
元  
年

服部文庫  
117  
207  
24





117  
207  
24

禡一作禡



春秋左傳註疏卷第四十一

昭元年 盡元年

晉杜氏註

唐孔穎達疏

昭公

○陸曰昭公名禡襄公子母齊歸在位二十五年遜于齊在外八年凡三十三年薨于乾侯諡法威儀恭曰昭齊歸所生以周景王四年即位諡法威儀共明曰昭是歲歲在大梁

經元年春王正月公即位

無傳

叔孫豹會晉趙武楚公子圍齊國弱宋向戌衛齊惡陳公子招蔡公孫歸生鄭罕虎許人曹人于虢招實

春秋左傳

卷之四十一

昭元年



陳侯母弟不稱弟者美與莊二十五年公子友同今讀舊書則楚當先晉而先書趙武者亦取宋盟貴武

之信故尚之也衛在陳蔡上先至於會招常遙反

先悉招實至於會正義曰八年經書陳侯之辨瓜百反當

十五年註云公子友莊公之母弟稱公子者史策之

通言母弟至親異於他臣其相殺害則稱弟以示義

至於嘉好之事兄弟篤睦非例所與或稱弟或稱公

子仍舊史之文也八年招殺世子故稱弟以章招罪

此奉使以會諸國非義例之所與舊史書為公子而

仲尼因之也公羊傳曰此陳侯之弟招也何以不稱

弟貶曷為貶殺世子偃師貶大夫相殺稱人此其稱

各氏以殺何言將自是弑君也然則苟為不於其弑

焉貶以親者弑然後其罪惡甚春秋不待貶絕而罪

惡見者不貶絕以見罪惡也貶絕然後罪惡見者貶

絕以見罪惡也今招之罪已重矣曷為復貶乎此著

招之有罪也何著乎招之有罪言楚之託乎討招以

滅陳也其意言八年楚託討於招以滅陳著招之罪

重故於此預貶之先儒或取公羊為說釋例云穎氏

曰臣無竟外之交故去弟以貶季友子招樂憂故去

弟以懲過鄭段去弟唯以名通故謂之貶今此二人

皆書公子公子者名號之美稱非貶詞也是解招不

稱弟之意也春秋之初衛在陳上莊十六年幽之盟

衛在陳下自爾以來常在陳下莊十六年註云陳國

小每盟會皆在衛下齊桓始霸楚亦始強陳侯介於

二大國之間而為三恪之客故齊桓因而進之遂班

在衛上終於春秋是衛之班次常在陳下今衛乃在

蔡之上必有其故也襄十年諸侯伐鄭齊世子光序

在滕子之上傳曰齊崔杼使大子光先至于師故長

於滕是先至有進班之理故謂此為先至於會故也

三月取鄆

不稱將帥

將卑師少書取言易也

○鄆音運將子

陳



匠反下同帥所國不稱至易也。正義曰：將卑師類反易以或反國少例當稱人魯史不得自言魯人直書所為之事明其有人取之也。若將卑師衆則言師取某襄十三年傳例云：凡書取言易也。故杜以此為易耳。賈逵云：楚以伐莒來討，故諱伐，不諱取。劉炫以賈說為是，故又規杜云：案傳武子伐莒，知非將卑師少也。稱伐則是非易也。杜何得以為易將卑師少乎？今刪定知不然者，以諸稱取傳皆以為易將卑師少，文與彼同，故以為易也。若以武子伐而取之，則致力難重，當以滅為文，與滅項同也。案滅項被討，不諱滅此，亦被討何以諱滅而言取？若必有所諱，當傳有其事。今傳言莒魯爭鄆為日久矣，魯無大罪，亦何所諱也。傳云：武子伐莒者，武子為伐莒之主耳。別遣小將而行，故不書武子，猶如成二年傳言：楚子重侵衛，經書楚師，杜云：子重不書，不親兵之類是也。不書伐者，以兵未加鄆，鄆人逆服，與襄九年傳稱：諸侯圍鄭，經不書，杜云：鄭人逆服，不成圍，相似。劉以賈氏之註而規杜氏非也。

夏秦伯之弟鍼出奔晉

國稱弟罪秦伯

國鍼其廉反

六月丁巳邾子華卒

國無傳三同盟

國三同盟。正義曰：華以襄十八年即位，十九年盟于祝柯，二十年于澶淵，二十五年于重丘，皆邾魯俱在，是三同盟。

晉荀吳帥師敗狄于大鹵

國大鹵大原晉陽縣

國大鹵大如字

國徐音秦鹵音魯穀梁傳云中國曰大原夷狄曰大鹵

秋莒去疾自齊入于莒

國國逆而立之曰入

國去起呂反

莒展與出奔吳

國弑君賊未會諸侯故不稱爵

國莒展與出奔

國吳一本莒。弑君至稱爵。正義曰：釋例云：諸侯展，出奔吳，不受先君之命而篡立，得與諸侯會者，則以成君書之。若未得接於諸侯，則不稱爵。傳曰：會于平州，以定公位。又云：先君若有罪，則君列諸會矣。

春秋

卷之四十一

三



春秋

卷之四十一

楚

此以會為斷也。是杜據彼傳之。二文知此為未會諸侯不稱爵。

叔弓帥師疆郟田

**田**

春取郟。今正其封疆。

疆居良反。註同。

葬邾悼公

**田**

無傳。

冬十有一月己酉。楚子麇卒。

**田**

楚以瘧疾赴。故不書弒。

○麇九倫。反以瘧音虐。書弒申志。反或作殺音同。

**田**

楚以至書弒。○正義曰。傳稱諡而殺之。而經

書卒者。襄七年鄭子駟使賊夜弒僖公。而以瘧疾赴于諸侯。而經書為卒。知此亦以瘧疾赴。故不書弒。

公子比出奔晉

**田**

書名罪之。

**田**

書名罪之。○正義曰。齊崔氏宋司城無罪。書

氏書官。此傳無罪狀。直以不能自固其位耳。出奔又無可善。無可善即是罪。未必犯大罪也。

傳元年春。楚公子圍聘于鄭。且娶於公孫段氏。伍舉

為介

**田** 伍舉椒舉介副也。

○娶七住反。介音界。註同。

將入館

**田** 就

客舍。鄭人惡之。

**田**

知楚懷詐。

○惡烏路反。

使行人子羽與

之言。乃館於外。

**田**

舍城外。既聘。將以眾逆。

**田**

以兵入

逆婦。子產患之。使子羽辭曰。敝邑褊小。不足以容

從者。請墀聽命。

**田**

欲於城外除地為墀。行婚禮。

○褊必淺。

反下同。從才。用反。墀音善。

令尹命太宰伯氏犁對曰。君辱貺寡大

夫。圍謂圍將使豐氏撫有而室。

**田**

豐氏公孫段。

○貺音況。

圍布几筵。告於莊共之廟而來。

**田**

莊王圍之祖。共王

圍之父。

○几本亦作机。筵音延。共音恭。

**田**

圍布至而來。○正義曰。聘禮。臣奉君命。聘於鄰國。猶

春秋

卷之四十一

楚



禮記

卷之四十一

禮記

尚幣于禰乃行况婚是嘉禮之重故圍自布几筵告祖父母之廟而來也文王世子曰五廟之孫祖廟未毀雖為庶人冠取妻必告鄭玄云告於君也亦若野既告君必須告廟君尊不主臣婚故圍自告也

賜之是委君貺於草莽也是寡大夫不得列於諸卿也

**也**言不得從卿禮○莽莫**也**若野至卿也○正義曰言我若受野賜之

禮則是委頓我君之命得貺於草莽之不寧唯是又中則是寡大夫不得列於侯卿之位也

使圍蒙其先君○蒙欺也告先君而來不得成禮於女氏之廟故以為欺先君

**不寧**至先君○正義曰不寧寧也言寧有唯是

之事又使圍蒙其先君連讀為義也告廟云將向豐氏之家取妻若使受之於野不至豐氏之家是欺先君也言又者既辱今君又辱先君故云又也

將不得為寡君老○大臣稱

老懼辱命而黜退其蔑以復矣唯大夫圖之子羽曰

小國無罪恃實其罪○恃大國而無備則是罪將恃

大國之安靖已而無乃包藏禍心以圖之小國失恃

而懲諸侯使莫不憾者距違君命而有所壅塞不行

是懼○言已失所恃則諸侯懲恨以距君命壅塞不行所懼唯此

館人之屬也○懲直升反憾戶暗反壅本不然傲邑

館人之屬也○館人守舍人也其敢愛豐氏之祧

祧遠祖廟○祧他遠祖廟○正義曰祭法云

超上去意也以祧是尊遠之意故以祧言廟耳此公孫段是穆公之孫子豐之子其家唯有子豐之廟君

家火充

卷之四十一

及古



若特賜或得立穆公之廟耳其家無遠祖廟也杜言遠祖廟者順傳文且據正法言之伍舉知

其有備也請垂橐而入垂橐示無弓○橐古刀反弓衣也許

之正月乙未入逆而出遂會於虢虢鄭地尋宋之

盟也宋盟在襄二十七年祁午謂趙文子曰宋之

盟楚人得志於晉得志謂先軟午祁奚子○軟所洽反

今令尹之不信諸侯之所聞也子弗戒懼又如宋

恐楚復得志○復扶又反子木之信稱於諸侯猶詐晉而

駕焉駕猶陵也詐謂衷甲○駕如字又音加註及下同衷音忠況不

信之尤者乎尤甚也楚重得志於晉晉之恥也子

下雖復同 補

末

相晉國以為盟主於今七年矣襄二十五年始為政以春言故云七年○重直用反○於今七年○正

年傳云趙文子為政至此八年也而云七年者殷周雖改正朔常以夏正為言此春正月故為七年未

醫和則再合諸侯襄二十五年會夷儀二十六年云八年

會澶淵再合諸侯○正義曰襄二十六年經書公會晉人鄭良霄宋人曹人于澶淵晉人即

趙武也時有魯公在會雖則唯公一人即是諸侯不得謂之大夫也故知再會諸侯數澶淵也三合

大夫襄二十七年會于宋三十年會澶淵及今會

虢也服齊狄寧東夏襄二十八年齊侯白狄朝晉

○夏戶雅反平秦亂襄二十六年秦晉為成城淳于



襄二十九年城杞之淳于杞遷都音純師徒不頓國

家不罷民無謗讟讟誹也罷音皮讟音誹也

○正義曰說文云謗毀也誹謗也然則謗讟誹其諸義同皆是非毀人古人重言之猶險阻艱難也

侯無怨天無大災子之力也有令名矣而終之以恥

午也是懼吾子其不可以不戒文子曰武受賜矣

受午言然宋之盟子木有禍人之心武有仁人之心

是楚所以駕於晉也今武猶是心也楚又行僭

不信○僭子念反下同非所害也我將信以為本循而行之

譬如農夫是穠是藜穠耘也壅苗為藜○穠彼驕反藜古本

我一作武

食 訓 潰

反耘音云除草也○穠耘至為藜正義曰漢書殖貨志

日畎長終一畝一畝三畝一夫三百畝而播種於

中苗生三葉以上稍壯耨壟草因壟其土以附苗根

故其詩云或耘或耔黍稷薿薿耘除草也耔附根也

言苗稍壯每耨輒附其根比至盛暑壟盡平而根深

能風與旱故薿薿而盛也此言穠藜即詩之耘耔

也故知穠是耨以土壅苗根為藜也耨定本耘

有饑饉必有豐年言耕鋤不以水旱息必獲豐年

之收○饑其靳反鋤仕居雖有至豐年○正義曰

必為諸侯之長也反收手又反又如字言耕鋤不息必有豐年

能也自恐未能信也詩曰不僭不賊鮮不為則信

也詩大雅僭不信賊害人也○鮮息淺反能為人則者

春秋

卷之四十一

漢書



不為人下矣。吾不能是難。楚不為患。楚令尹圍請用牲讀舊書加于牲上而已。

舊書宋之盟書楚恐晉先軟故欲從舊書加于牲上不軟血經所以不書盟

○難乃旦反 晉人許之。三月甲辰盟。楚公子圍設服

離衛。設君服二人執戈陳於前以自衛。離陳也。

設君至陳也。正義曰穆子言似君知設服設君服也。唯譏執戈不言衣服則君服即二戈是也。離衛之語必為執戈發端但語畧難明服虔云二人執戈在前在國居若離宮陳衛在門然則執戈在前國君行時之衛非在家守門之衛也守門之衛其兵必多非徒二戈而已縱使在國居君之離宮即明宮門之衛以為離衛其言大不侔矣故杜以離衛即執戈是也言二人執戈陳列於前以自防衛也離之為陳雖

名

無正訓兩人一左一右相離而行故稱衛離亦陳之義。叔孫穆子曰楚公子美

矣君哉。美服似君。鄭子皮曰二執戈者前矣。

禮國至在前。正義曰上喪禮言君臨臣喪

之禮云小臣二人執戈先二人後是知國君之行常有二執戈者在前也。國君亦有二戈在後子皮唯言

前有二戈者當是公。蔡子家曰蒲宮有前不亦可乎。

子圍不設後戈故也 公子圍在會特緝蒲為王殿屋屏蔽以自殊異言

既造王宮而居之雖服君服無所怪也。

緝七 子至怪也。正義曰服虔云蒲宮楚君離宮言令尹

在國已居君之宮出有前戈不亦可乎。令尹居君離宮事無所出且諸侯大夫見其在會之儀不譏在國所居伯州犂云此行也辭而假之寡君言行而借戈



以衛非在國借宮以居也故杜以為公子圍在會特  
緝蒲為王殿屋以自殊異此亦無所案據要愜人情

楚伯州犁曰此行也辭而假之寡君聞諸大夫譏

之故言假以飾令尹過鄭行人揮曰假不反矣言

將遂為君伯州犁曰子姑憂子皙之欲背誕也襄

三十年鄭子皙殺伯有背命放誕將為國難言子且  
自憂此無為憂令尹不反戈背音佩註同誕音但子羽曰當

璧猶在假而不反子其無憂乎子羽行人揮當璧

謂棄疾事在昭十三年言棄疾有當璧之命圍雖取

國猶將有難不無憂也齊國子曰吾代二子愍矣國

憂

國子國弱也二子謂王子圍及伯州犁圍此冬便篡

位不能自終州犁亦尋為圍所殺故言可愍○篡初患反

○愍國子至可愍○正義曰服虔云愍憂也代伯州

犁憂公子圍代子羽憂子皙劉炫從服言而規杜

失今知不然者以圍不能自終伯州犁尋為圍所殺

是皆遇凶害故云吾代二子愍矣若以二子為伯州

犁子羽子羽則卒無禍害又何可愍陳公子招曰不

而代之乎劉以服意而規杜過非也

憂何成二子樂矣言以憂生事事成而樂○樂音

下樂樂而樂同衛齊子曰苟或知之雖憂何害齊子齊惡

言先知為備雖有憂難無所損害宋合左師曰大國

令小國共吾知共而已共承大國命不能知其禍



福○共音恭晉樂王鮒曰小旻之卒章善矣吾從之

**國**小旻詩小雅其卒章義取非唯暴虎馮河之可畏

也不敬小人亦危殆王鮒從斯義故不敢譏議公子

圍○鮒音附旻亡小旻之卒章○正義曰退會子

羽謂子皮曰叔孫絞而婉國絞切也譏其似君反謂

之美故曰婉○絞古卯反婉宋左師簡而禮國無所

臧否故曰簡共事大國故曰禮○否悲矣反樂王鮒

字而敬國字愛也不犯凶人所以自愛敬子與子家

持之國子子皮子家蔡公孫歸生持之言無所取與

○持如字本**國**子子至取與○正義曰持謂執持

或作恃誤國之也子皮直云二執戈者前矣雖意

知不可而辭無譏切子家云蒲宮有前不亦可乎意

雖并譏蒲宮言乃謂之為可不如子羽之譏評不同

伯州犁之飾辭持其兩端無所取與是持之皆保世

也奕棋謂不能相害為持意亦同於此也

之主也齊衛陳大夫其不免乎國子代人憂子招樂

憂齊子雖憂弗害夫弗及而憂與可憂而樂與憂而

弗害皆取憂之道也憂必及之大誓曰民之所欲天

必從之國逸書三大夫兆憂憂能無至乎國聞憂兆

也言以知物其是之謂矣國物類也察言以知禍福

之類八年陳招殺太子國弱齊惡當身各無患○當

等火流

卷之四十一

及古



出其

春秋左傳卷之四十一 齊魯

反 ○季武子伐莒取郟兵未加莒而郟服故書取

而不言伐莒人告於會楚告於晉曰尋盟未退尋

弭兵之盟而魯伐莒瀆齊盟瀆慢也請戮○瀆徒木反

其使時叔孫豹在會欲戮之使○使所吏反下註出使自使下召使者同

樂桓子相趙文子桓子樂王鮒相佐也相息亮○相息亮反註同

欲求貨於叔孫而為之請使請帶焉難指求貨故

以帶為辭○而為于偽反弗與梁其涇曰貨以藩身○涇戶定反

子何愛焉涇叔孫家臣叔孫曰諸侯○涇戶定反

之會衛社稷也我以貨免魯必受師言不戮其使

必伐其國謂叔孫曰子盍逃之對曰豹也受命於

君以從諸侯之盟為社稷也若魯有罪受盟者逃魯

必不免是吾出而危之也若為諸侯戮魯誅盡矣必

不加師請為戮也是言是禍之也何衛之為人之有

牆以蔽惡也喻已為國衛如牆為人蔽牆之隙壞

誰之咎也咎在牆衛而惡之吾又○隙去逆反咎其九反註同

甚焉罪甚牆雖怨季孫魯國何罪怨季孫之伐

莒叔出季處有自來矣吾又誰怨季孫守國叔孫

出使所從來久今遇此戮無所怨也季孫至怨也

歷檢上世以來季孫出使不少於叔孫而云叔出季

處從來久者季孫世為上卿法當上卿守國次卿出

季火梳

卷之四十一

及古



也一作好

使以此為從來久耳必須使上卿者上卿非不使也然鮒也賄弗與不已召使

者裂裳帛而與之曰帶其褊矣言帶褊盡故裂裳

示不相逆○賄呼罪反趙孟聞之曰臨患不忘國忠也

謂言魯國何罪思難不越官信也謂言叔出季處

○難乃且反下同圖國忘死貞也謂不以貨免謀主三者

義也三者忠信貞有是四者又可戮乎并義而

四乃請諸楚曰魯雖有罪其執事不辟難執事謂

叔孫畏威而敬命矣謂不敢辟戮子若免之以勸

左右可也若子之羣吏處不辟汚汚勞事○汚音烏註及

下同事耳故以汚為勞事也言事之勞身若穢之汚

物也出不逃難不苟免其何患之有患之所生汚而

不治難而不守所由來也能是二者又何患焉不靖

其能其誰從之安靖賢能則眾附從魯叔孫豹可

謂能矣請免之以靖能者子會而赦有罪不伐魯

又賞其賢赦叔孫諸侯其誰不欣焉望楚而歸之

視遠如邇疆場之邑一彼一此何常之有言今衰

世疆場無定主○疆居良反註及下封疆莒之疆事同場音亦註同王伯之令

也言三王五伯有令德時義曰以傳言王伯故



言三王下云虞有三苗則帝時亦有非獨引其封疆

三王也但王亦帝也故傳通言其王耳

**引正也**正封界而樹之官樹立也立官以守國

**舉之表旗**旗旗以表貴賤音其**而著之制令**為諸侯作制

立表貴賤之旗也故而著之制令為諸侯作制

度法令使不得相侵犯過則有刑猶不可壹於是乎

**虞有三苗**三苗饕餮放三危者**夏有**

**觀扈**觀國今頓丘衛縣扈在始平鄠縣書序曰啓

與有扈戰于甘之野夏戶雅反觀音館舊**商有妣**

**邳**二國商諸侯邳今下邳縣**周**

**有徐奄**二國皆嬴姓書序曰成王伐淮夷遂踐奄

**徐卽淮夷**音盈嬴姓世本文也書序曰成王伐淮

夷遂踐奄淮夷與奄同時代之此徐奄連文故以為

徐卽淮夷賈逵亦然相傳說也服虔云一曰魯公

所伐徐戎也案費誓云淮夷徐戎並與孔安國云淮

浦之夷徐州之戎並起為寇則徐亦非國名此徐是

國名當謂淮浦之夷其國名徐書序舉其大號此傳

言其國名也僖公時楚人伐徐杜云下邳僮縣東南

有大徐城彼近淮旁成王時徐蓋亦在彼地也此傳

其事其觀與妣邳則史傳無文傳言王伯之令自無

猶尚有此輩則此輩皆是王道盛明時諸侯也

**令王諸侯逐進**逐猶競也**狎主齊盟其又可壹乎**

**疆弱無常故更主盟**狎戶甲反更音庚**恤大舍小足以為**

家火充

戶



盟主

**國**

大謂篡弑滅亡之禍又焉用之

**國**

焉用治小

事

○焉於虔反註同

封疆之削

何國蔑有

主齊盟者

誰能辯

焉

**國**

辯治也

**國**

封疆至辯焉

○正義曰言封疆之相

○正義曰言封疆之相

者誰能

一治之

吳濮有釁

楚之執事

豈其顧盟

**國**

吳在東

濮在南

今建寧郡南有濮夷

釁過也

○濮音卜

莒之

○濮音卜

莒之

疆事

楚勿與知

諸侯無煩

不亦可乎

莒魯爭鄆

為日

久矣

苟無大害

於其社稷

可無亢也

**國**

亢禦

○與音預亢苦

浪反徐又音剛禦魚呂反

去煩

宥善

莫不競勸

子其圖之

固請諸

楚楚人許之

乃免叔孫

○令尹享趙孟賦

大明之首

此正義當移在前

紆

**章**

大明詩大雅首章言文王明明照於下故能赫

赫盛於上令尹意在首章故特稱首章以自光大

起呂反○去煩至競勸正義曰不往討魯諸侯無

宥音又○煩是去煩也叔孫賢人今若赦之是宥善

也德義如是餘人莫不競力勸慕為善矣趙孟賦小宛之二章

小宛詩○小宛至復還可復還以戒令尹

夫刺幽王也其二章云人之齊聖飲酒溫克彼昏不

知壹醉日富各敬爾儀天命不又註又復也今女君

命一去不復來也事畢趙孟謂叔向曰令尹自以為

王矣何如問將能成否對曰王弱令尹疆其可哉



言可成雖可不終趙孟曰何故對曰疆以克弱而安之疆不義也安於勝君是疆而不義不義而疆其斃必速詩曰赫赫宗周褒姒滅之疆不義也詩小雅褒姒周幽王后幽王惑焉而行不義遂至滅亡言雖赫赫盛疆不義足以滅之尹為王必求諸侯晉少懦矣懦弱也將往若獲諸侯其虐滋甚滋益也民弗堪也將何以終夫以疆取取不以道不義而克必以為道以不義為道道以淫虐弗可久已矣為十二年楚

弑靈王傳

道以至已矣。正義曰以不義謂之為道而淫虐為之民所不堪不可久矣。

夏四月趙孟叔孫豹曹大夫入于鄭

會罷過鄭

○過古禾反

鄭伯兼享之子皮戒趙孟戒享期禮終趙

孟賦瓠葉

受所戒禮畢而賦詩瓠葉詩小雅義取

古人不以微薄廢禮雖瓠葉兔首猶與賓客享之

戶故反客享之許丈反又普庚反

子皮遂戒穆叔且告之告以趙

孟賦瓠葉穆叔曰趙孟欲一獻

瓠葉詩義取薄物

而以獻酬知欲一獻子其從之子皮曰敢乎言不

敢穆叔曰夫人之所欲也又何不敢

夫人趙孟扶



音夫 及享具五獻之籩豆於幕下 國朝聘之制大國

之卿五獻 ○幕武 國朝聘至五獻 正義曰周禮

九獻侯伯七獻子男五獻皆獻數各同饗餼九牢饗禮

案聘禮卿聘饗餼五牢故卿皆五獻至春秋之時大

國之卿乃得從卿禮若次國之卿依大國大夫之制

惟三獻耳故杜此註云大國之卿五獻又昭六年傳

註云大夫 趙孟辭 國 趙孟自以今非聘鄭故辭五獻

三獻是也 趙孟辭 國 家宰子皮請

私於子產 國 私語曰武請於冢宰矣 國 冢宰子皮請

謂賦瓠葉乃用一獻趙孟為客禮終乃宴 國 卿會公

侯享宴皆折俎不體薦 ○折之 國 卿會至體薦 ○

乃宴謂之享禮既終即因而為宴不待異日也杜解

享宴禮異所以得相因者以其殺俎同故也宣十六

年傳云王享有體薦宴有折俎公當享卿當宴王享

之禮也彼傳之意言享公當依享法有體薦也享卿

當如宴法有折俎也彼王自言之故云王室禮耳其

實諸侯之待公卿禮亦當然以卿會公侯享宴皆折

俎不體薦享宴俎 穆叔賦鵲巢 國 鵲巢詩召南言鵲

有巢而鳩居之喻晉君有國趙孟治之趙孟曰武不

堪也又賦采芣 國 亦詩召南義取芣采薄物可以薦

公侯享其信不求其厚 ○芣 音煩 曰小國為芣大國省穡

而用之其何實非命 國 穆叔言小國微薄猶芣菜大

國能省愛用之而不棄則何敢不從命穡愛也 ○省

反徐所幸 子皮賦野有死麇之卒章 國 野有死麇詩

反註同 野有死麇詩

季火流 卷之四十一

菜



龙

龙

召南卒章曰舒而脫脫兮無感我悅兮無使厖也吠  
 脫脫安徐悅佩巾義取君子徐以禮來無使我失節  
 而使狗驚吠喻趙孟以義撫諸侯無以非禮相加陵  
 ○廡亦作廡九倫反脫脫吐外反  
 悅始銳反厖武江反吠扶廢反  
 趙孟賦常棣  
 常棣詩小雅取其凡今之人莫如兄弟言欲親兄弟之  
 國○常棣直計反  
 且曰吾兄弟比以安厖也可使無吠  
 受子皮之詩○比毗志反  
 下註德比同  
 穆叔子皮及曹大夫與拜  
 三大夫皆兄弟國興起也  
 舉兕爵曰小國賴子知免於戾矣  
 兕爵所以罰不敬言小國蒙趙孟德比以

安自知免此罰戮  
 ○兕徐履反戾力計反下同  
 飲酒樂趙孟出曰

吾不復此矣  
 不復見此樂  
 ○樂音洛註同復扶又反註及下不復年并註

同  
 ○天王使劉定公勞趙孟於潁館於雒汭  
 王周

景王定公劉夏潁水出陽城縣洛汭在河南鞏縣南

水曲流為汭  
 ○勞力報反下以勞之同潁營井反汭如銳反夏戶雅反  
 劉子曰美

哉禹功  
 見河洛而思禹功明德遠矣微禹吾其魚

乎吾與子弁冕端委以治民臨諸侯禹之力也  
 弁冕冠也端委禮衣言今得共服冠冕有國家者皆由

禹之力  
 ○弁冕端委本亦作弁端委  
 冠者首服之總名弁冕冠

春火流  
 卷之四十七  
 及古閣



中之小別弁冕是首服端委是身服言弁冕端委總舉冠衣而言非謂定公趙孟身所自衣也哀七年傳云大伯端委以治周禮仲雍嗣之斷髮文身以文身從彼之俗知端委是依禮之衣杜直言端委禮衣不知是何衣也名曰端委又無所說周禮司服於士服之下云其齊服有玄端素端鄭玄云謂之端者取其正也謂士之衣袂皆二尺二寸而屬幅是廣袤等也其袷尺二寸大夫以上侈之侈之者蓋半而益一焉半而益一則其袷三尺三寸袷尺八寸如鄭此言唯士服當端制大夫以上不復端也服虔云禮衣端正無殺故曰端文德之衣尚褒長故曰委案論語鄉黨非帷裳必殺之鄭康成云帷裳謂朝祭之服其制正幅如帷非帷裳者謂深不削其幅縫齊倍要禮記深衣制短不見膚長不被土然則朝祭之服當曳地服言是也

**子盍亦遠績禹功而大庇民乎**  
勸趙孟使纂禹功  
○子盍戶臘反何不也亦遠績禹功  
○遠績禹功  
○正

不

義曰績亦功也重其言耳遠績禹功者勸之為大功使遠及後世若大禹也謂勸武何以遠纂大禹之績而立大功也對曰老夫罪戾是懼焉能恤遠吾儕偷食以庇民也

**朝不謀夕何其長也**  
言欲苟免目前不能念長久  
○焉於虔反下焉用焉能  
○吾儕偷食  
○正義曰儕同儕仕皆反朝如字下同  
○等也言吾等於彼卑賤苟且飲食

**劉子歸以語王曰諺所謂老將知而耄及之者**  
八十曰耄耄亂也  
○語魚據反知音智耄莫報反  
其趙孟之

**謂乎為晉正卿以主諸侯而儕於隸人朝不謀夕**  
言其自比於賤人而無恤民之心  
○正義曰趙孟自言其自比於賤人而無恤民之心  
○正義曰趙孟憂勞百姓卑賤之人勞身而已自比賤人是無憂民



不歆許金反補

曾阜扶几反補

也。棄神人矣。國民為神主，不恤民，故神人皆去。神怒民叛，何以能久。趙孟不復年矣。國言將死不復見。明年神怒不歆其祀，民叛不即其事，祀事不從。又何以年。國為此冬趙孟卒起本。○叔孫歸。國虢會歸。曾天御季孫以勞之。旦及日中不出。國恨季孫伐莒，使已幾被戮。曾天謂曾阜。國曾阜叔孫家臣，曰旦及日中，吾知罪矣。魯以相忍為國也，忍其外，不忍其內焉。用之。國欲受楚戮，是忍其外，日中不出，是不忍其內。阜曰：數月於外。國言叔孫勞役在外數月。國數所主反註同。

一旦於是庸何傷。賈而欲贏，而惡讙乎。國言譬如商賈求贏利者，不得惡誼讙之聲。國賈音古，註同。贏音盈，註同。惡烏路反。註及下同。讙許驕反。徐五高反。註同。讙呼端反。國言讙至之聲。○正義得惡日中不出，譬如商賈求利，不得惡誼讙之聲，以商賈在市，市人多誼讙之聲。阜謂叔孫曰：可以出矣。叔孫指楹曰：雖惡，是其可去乎。乃出見之。國楹柱也，以喻魯有季孫猶屋有柱。國楹音盈，去起呂反。○

鄭徐吾犯之妹美。國犯鄭夫人，公孫楚聘之矣。國楚子南，穆公孫。公孫黑又使強委禽焉。國禽，鴈也。納采用鴈。國強其丈反。犯懼告子產。子產曰：是國無政，非子之

大夫



南

庭

患也。唯所欲與。犯請於二子。請使女擇焉。皆許之。子

皆盛飾入布幣而出。布陳贄幣。子皆公孫黑。音至。

子南戎服入。左右射。超乘而出。女自房觀之。曰。子皆

信美矣。抑子南夫也。言丈夫。乘繩。證反。夫夫婦婦。所

謂順也。適子南氏。子皆怒。既而橐甲以見子男。欲殺

之。而取其妻子。南知之。執戈逐之。及衝擊之以戈。衝

衝交道。橐古刀反。本或作。夫夫至順也。正義。曰。夫如夫道。當剛強。

也。婦如婦節。當柔弱也。如是所謂順也。曹大家女誡。曰。生男如狼。猶恐其虺。生女如鼠。猶懼其武。是男欲

剛而女欲柔也。子皆傷而歸。告大夫曰。我好見之。不知其有

異志也。故傷。大夫皆謀之。子產曰。直鈞幼賤。有罪。罪

在楚也。先聘。子南直也。子南用戈。子皆直也。子產

力未能討。故鈞其事。歸罪於楚。好如字。一音呼報。反。直鈞音均。絕句。

乃執子南而數之。曰。國之大節有五。女皆奸之。奸

犯也。女音汝。下皆同。奸音干。畏君之威。聽其政。尊其貴。事其長。

養其親。五者所以為國也。今君在國。女用兵焉。不畏

威也。奸國之紀。不聽政也。奸國之紀。謂傷人。長

反。下同。養如字。下同。子皆上大夫。女嬖大夫。而弗下之。不尊貴

也。幼而不忌。不事長也。忌畏也。嬖必計反。下戶嫁反。兵其



從兄不養親也君曰余不女忍殺宥女以遠勉速行

乎無重而罪五月庚辰鄭放游楚於吳將行子南子

產咨於太叔太叔游楚之兄子○從兄如字又才

直勇太叔曰吉不能亢身焉能亢宗亢蔽也○亢

反彼國政也非私難也子圖鄭國利則行之又何疑

焉周公殺管叔而蔡蔡叔蔡放也○難乃旦反而

音素葛反說文作蔡音同字從殺下米殺管叔至

云搃蔡散之也會杜義下蔡叔如字蔡叔○正

義曰說文云蔡散之也從米殺聲然則蔡字殺下米

也蔡為放散之義故訓為放也隸書改作已失本體

點以讀之者尚書蔡仲之命云周公乃致辟管叔于

商囚蔡叔于郭鄰以車七乘孔安國云囚謂制其出

入郭鄰中國之外地名是放蔡叔之事也孔唯言中

國之外地不知在何方也夫豈不愛王室故也吉若獲戾子將行

之何有於諸游為二年鄭殺公孫黑傳○夫

至故也○正義曰夫謂周公也夫此周公音扶豈

豈不愛管蔡乎所以蔡放之為王室故也○秦后子

有寵於桓如二君於景后子秦桓公子景公母弟

鍼也其權寵如兩君其母曰弗去懼選選數也恐

景公數其罪而加戮選息轉反徐素短反註及下

癸卯鍼適晉其車千乘書曰秦伯之弟鍼出奔晉罪

秦伯也罪失教○乘繩證反癸卯至伯也○正

下及註同義曰釋例曰秦伯

春秋

卷之四十一

漢古



有千乘之國不能容其母弟傳曰罪秦伯則鍼罪輕也言其對兄為輕耳非無罪也公羊以為仕諸晉謂之奔者譏秦伯有千乘之國不能容其母弟故謂之出奔也劉炫云奔者迫窘而去逃死四鄰不以禮出也今鍼適晉乃與母計議緩步而出實非奔也仲尼既書為奔傳釋云罪秦伯秦伯不豫教誡其弟不能早為之所致奢富過度懼而去國罪其失兄之教鍼不自知度亦是其罪歸罪秦伯言兄罪耳例曰以下

**同后子享晉侯** **為晉侯設享禮** **偽** **為于** **造舟于河**

**造舟為梁通秦晉之道** **爾雅云** 造七報反註同李巡註云併舟 **造舟于河** **正義曰** 詩云造舟為梁是比為橋 **舟以為橋也** 釋水云天子造舟李巡曰比其舟而渡曰造孫炎曰比舟為梁郭璞曰比船為比橋皆不解造義蓋造為至義言船相至而並比也 **十里舍車** **一舍八乘為八反之備** **正義曰** 直言

車

十里舍車不知每舍幾車以下言 **自雍及絳** **雍絳**

八反知一舍八乘為八反之具也 **歸取酬幣** **備九獻**

相去千里用車八百乘 **用反** **之儀始禮自齋其一故續送其八酬酒幣** **齋子兮**

**賁** **備九至酒幣** **正義曰** 僖二十二年鄭享楚幣帛以隨之后子從始自齋其一以為初獻故續送

其八也飲酒之禮主人初獻于賓賓酢主人主人受

賓之酢禮飲訖又飲乃酌以酬賓如是乃成為一 **終**

獻於酬之時始有幣以勸飲故以為酬酒幣也 **事八反** **每十里以八乘車各以次載幣相授而還**

不徑至故言八反千里用車八百乘其二百乘以自

隨故言千乘傳言秦鍼之出極奢富以成禮欲盡敬



駛

東

車

卷之四十一

正義曰

服虔

於所赴。○還音環。○**圖**每十至所赴。○正義曰。服虔里百乘。以次相授。車率皆日行一百六十里。謂從絳向雍去而復還。一亭之間。八度至也。然則千里之路。往還八反。車率日行一百六十里。計則一萬六千里。雖追風逐日之足。猶將不逮於此。后子之馬。一何駛乎。縱令如此。纔可以章馬疾。未足以明車多。司馬侯何以怪其車多而發問也。杜以反者。謂車反復其故處耳。每於十里置車八乘。后子初發幣。則續行自齎。其一以爲初獻。餘則以次續至。至則車反。比至亭終。八車皆反。以此謂之八反。非言反至雍也。此幣發雍計已多日。故設享之初。此八車之幣。去絳不過一二十里耳。使之相續而來。每獻皆到。以示已之豪富。故令漸送之也。如杜此言。則后子預前約東。使幣早發。而來非臨享始取。而云歸取。酬幣者。后子必適晉多日。然後設享。非初至即享君也。爲享之具。酒食之屬。皆在絳備之。其幣亦應於絳備之。乃遣還取秦國之幣。故言歸取。不言設享之日始歸取也。上云其車千

乘。下司馬侯問其車多。則是見車多而發問也。故杜辯其事之所在。千里用車八百乘。其二百乘以自隨。故言千乘也。傳說此車多之事者。言秦鍼之出。極奢富以成禮。盡敬於所赴之國。故爲此以示豪也。司馬侯問焉。曰。子之車盡於此而已乎。對曰。此之謂多矣。若能少此。吾何以得見。**圖**言已坐車多。故出奔。見○

賢遍反。坐才臥反。女叔齊以告公。**圖**叔齊司馬侯。音汝。且曰。

秦公子必歸。臣聞君子能知其過。必有令圖。令圖天所贊也。后子見趙孟。趙孟曰。吾子其曷歸。**圖**問何時當歸。對曰。鍼懼選於寡君。是以在此。將待嗣君。趙孟曰。秦君何如。對曰。無道。趙孟曰。亡乎。對曰。何爲。一世

春秋左

卷之四十一

及古閣



無道國未艾也。艾絕也。○艾魚廢反。註同。國於天地有與

立焉。言欲輔助之者多。不數世淫弗能斃也。趙孟

曰：天乎！對曰：有焉。趙孟曰：其幾何？對曰：鍼聞之，國無

道而年穀和熟，天贊之也。贊，佐助也。○幾居豈反。下同。鮮

不五稔。鮮，少也。少尚當歷五年，多則不啻。○稔而甚反。音

始。鼓。國無至五稔。○正義曰：國無道而歲又饑，則反。君或早天，年穀和熟，是天佐助之。故少猶五

年多，或不啻也。期之五年者，后子之意耳。襄二。趙孟

視蔭曰：朝夕不相及，誰能待五。蔭，日景也。趙孟意

衰，以日景自喻，故言朝夕不相及，誰能待五。○蔭於金反。本

翫

亦作陰。朝夕如字。趙孟至待五。○正義曰：趙孟自

景如字，又於領反。比於日景，此景朝夕尚移，不能

相及，人命流去，與此相似。既無常定，誰能待五。后子出而告人曰：趙孟將死

矣。主民翫歲而惕日。翫，惕皆貪也。○翫五喚反。說文云：習厭也。字

又作玩。惕。其與幾何。言不能久。○與如字。○鄭為苦蓋反。又音預。

游楚亂故。游，楚子南。○為于偽反。六月丁巳，鄭伯及其

大夫盟于公孫段氏。罕虎、公孫僑、公孫段、印、段、游、吉

駟帶私盟于閨門之外。實薰隧。閨門，鄭城門。薰隧，

門外道名。實之者，為明年子產數子替罪稱薰隧盟起本。○閨音圭。薰許云反。隧音遂。數色主反。又色具反。公孫黑強與於盟。使



太史書其名且曰七子

**自欲同於六卿故曰七子**

○強其丈反與音預

子產弗討

子督強討之恐亂國○晉中

行穆子敗無終及羣狄于大原

即大鹵也無終山

戎

○大原音泰

晉中至大原○正義曰釋例上地名以

縣大原即大原郡晉陽縣是也計無終在大原東北二千許里遠就大原來與晉戰不知其何故也蓋與諸戎近晉者相率而共來也襄四年無終子遣使如晉請和諸戎則無終是其大者故顯言其國名也

崇卒也

**崇聚也**

○卒子忽反

將戰魏舒曰彼徒我

車所遇又阨

**地險不便車**

○阨委又作隘於懈反便婢面反

以什

共車必克

更增十人以當一車之用○什音十

**共音恭**

以什共車必克○正義曰周禮十人為一什一什之人共一車之地故必克也

困諸阨又克

車每困於阨道今去車故為必克

○去起呂反下皆同

卒

**去車為步卒自我始乃毀車以為行**

魏舒先

自設其屬車為步陳

○行戶郎反陳直觀反下文五陳未陳同

五乘為三

伍

乘車者車三人五乘十五人今改去車更以五人為伍分為三伍

○五乘繩證反註五乘同

荀吳之嬖人不肯即

卒斬以徇

魏舒輒斬之荀吳不恨所以能立功

○辭俊反為五陳以相離兩於前伍於後專為右角參為

左角偏為前拒

皆臨時處置之名

○拒九前反

**為五**



拒○正義曰五陳者即兩伍專參偏是也相離者布  
置使相遠也服虔引司馬法云五十乘為兩百二十  
乘為伍八十一乘為專二十九乘為參二十五乘為  
偏彼皆準車數多少以為別名此傳去車用卒而有  
此名則此名不以車數為別也杜云皆臨時取置之  
名其意不同服說則名與人數不可得知也周禮則  
五人為伍二十五人為  
兩無專參偏之名也

常未陳而薄之大敗之傳言荀吳能用善謀○莒

展輿立而奪羣公子秩公子召去疾于齊秋齊公子

鉏納去疾齊雖納去疾莒人先召之故從國逆例

書入去疾奔齊在襄三十一年展輿奔吳吳外孫

叔弓帥師疆鄆田因莒亂也此春取鄆今正其疆

界疆居良反註同於是莒務婁齊胡及公子滅明以大厖

與常儀靡奔齊三子展輿黨大厖常儀靡莒二邑

○務婁並如字務又音謀一音無音徐音茂一音謀厖武江反君子曰莒展之不立

棄人也夫奪羣公子秩是棄人音扶人可棄乎詩

曰無競維人善矣詩周頌言惟得人則國家疆

詩曰至善矣○正義曰周頌烈文之篇也彼註云競

疆也無疆乎維得賢人也得賢人則國家疆矣故天

下諸侯順其所為也○晉侯有疾鄭伯使公孫僑如晉聘且問

疾叔向問焉曰寡君之疾病卜人曰實沈臺駘為祟

史莫之知敢問此何神也子產曰昔高辛氏有二子



伯曰闕伯季曰實沈

**國**高辛帝嚳

○駘他才反崇息遂反闕於葛反嚳

苦毒反居於曠林不相能也

**國**曠林地闕

○能如字又奴代反曰

尋干戈以相征討

**國**尋用也

后帝不臧

**國**后帝堯也

臧善也

**國**后帝至堯也

○正義曰襄九年傳稱遷

闕伯于商丘主辰

**國**商丘宋地

主祀辰星辰大火也

商人是因故辰為商星

**國**商人湯先相土封商丘

因

闕伯故國祀辰星

○相息亮反

**國**商人至辰星

○正義曰殷本紀稱相土契孫

是湯之先也襄五年傳云闕伯居商丘祀大火相土因之故商主大火辰即大火星也故商人祀辰星商謂宋也宋商後故稱商人也遷實沈于大夏主參

**國**大夏今晉陽

縣○夏戶雅反註及下同唐人是因以服事夏商

**國**唐人至

唐人若劉累之等累遷魯縣此在大夏

**國**唐人至

義曰謂之唐人當是陶唐之後三十九年傳云陶唐氏既衰其後有劉累知此唐人是彼劉累之等類也言等類者謂劉累後世子孫累雖遷魯縣子孫仍在大夏故歷夏及商也劉炫云彼稱累事孔甲下云遷于魯縣此云唐人是因以服事夏商則此居於大夏子孫終商不滅非累子孫是其同族等類耳服虔以唐人即是劉累故杜顯而異

人之季世其君曰叔虞

**國**唐人至叔虞

○正義曰服虔以為唐叔虞即下句

邑姜所生者也杜以傳說唐人之末君矣邑姜之子叔虞唐人之末世叔祖豈得以後世始封之君謂之前代之末世也故云唐人之季世其君曰叔虞帝命邑姜之



天

子曰虞者將以唐國與之取唐君之名以為名耳當武王邑姜方震大叔

邑姜武王后齊大公之女懷胎為震大叔成王之弟

叔虞○震本又作娠之慎反又音申懷姓也大音泰註及下同胎他來反

義曰傳言武王邑姜繫之武王知是武王后也十二年傳稱呂伋王舅伋是齊大公之子丁公也伋為王

舅知邑姜是大公之女也說文云娠女妊身動也從女辰聲是懷胎為震震取動義字書以是女事故今

字從女耳叔虞成王母弟晉世家文也夢帝謂已余命而子曰虞帝

入取唐君之名將與之唐屬諸參而蕃育其子孫及

生有文在其手曰虞遂以命之及成王滅唐而封大

叔焉故參為晉星叔虞封唐是為晉侯○屬之玉反蕃音頌

叔虞封唐是為晉侯案史記叔虞○夢帝至曰虞封唐侯叔虞之子變父改為晉侯正義曰晉世家

云初武王之與叔虞母會時夢天謂武王曰余命汝

生子名虞謂此夢為武王之夢也若是武王之夢此

傳直云武王方生大叔其文足矣何以須言邑姜方

震也邑姜方震而夢明是邑姜夢矣安得以為武王

夢也薄姬之夢龍據其身燕姑之夢蘭為已子彼皆

夢發於母此何以夢發於父是馬遷之妄言耳服解

此云邑武王也是習非而逐迷者也○叔虞至晉

侯○正義曰晉世家云唐叔子變是為晉侯杜譜亦云變父改為晉侯則叔虞之身不稱由是觀之則實

晉也叔虞為晉之祖故言為晉侯也

沈參神也昔金天氏有裔子曰昧為玄冥師生允格

臺駘金天氏帝少皞裔遠也玄冥水官昧為水官

之長○裔以制反昧音妹為玄冥師師長也為官之長皞戶老反長丁丈反○至之長

水火流卷之四十一二十八

水少詩照下殖長同



○正義曰金天氏帝少皞帝系世本文也金天代號少皞身號月令於冬云其神玄冥是玄冥為水官也昧為玄冥師師訓長也故云昧為水官之長二十九

年傳云少皞氏有四叔修及熙為玄冥昧為金天喬子當是修熙之後釋例曰修及熙皆為玄冥昧為金天喬

玄冥未知昧為誰之子或是其子孫也

**官** 纂昧之業 管反 宣汾洮 宣猶通也汾洮二

水名 宣汾洮 正義曰釋例曰汾水出大原故汾

在當亦是晉地之水 障大澤 障障之以處大原

後世竭涸無其處耳 大原晉陽也 臺駘之所居帝用嘉之封諸汾川

帝 顯項 帝顯項 正義曰顯項為帝承金天之後

嘉之為顯項嘉耳昧於金天已云喬子臺駘又是昧

之所生則去少皞遠矣而帝系世本皆云少皞是黃

帝之子顯項是黃帝之孫臣世多而帝世少史籍

亡無可檢勘此事未必然也釋例云案蘇則舜之五

世從祖父也而及舜共為堯臣堯則舜之三從高祖

而妻其女此史記之可疑者也是皆疑不能決因舊

說耳 沈妣蓐黃實守其祀 四國臺駘之後今晉主汾

而滅之矣 滅四國由是觀之則臺駘汾神也抑此

二者不及君身山川之神則水旱癘疫之災於是乎

祭之 有水旱之災則祭祭山川之神若臺駘者周

禮四曰祭祭為營僭用幣以祈福祥 癘音例疫音

營 日月星辰之神則雪霜風雨之不時於是乎祭之

星辰之神若實沈者 山川至祭之 正義曰水

旱癘疫在地之災山川帶

敬

沈音審似音似 補

攢

營攢子管反

水火

卷之四十一二十九

及五



地故祭山川之神也。雪霜風雨，天氣所降，日月麗天，故祭日月星辰之神也。此因其所在分繫之耳。其實水旱癘疫，亦是天氣所致。雪霜風雨，亦是在地之災。且雨之不時，而致水旱，水旱與雨不甚為異，而分言之者，據其雨不下而霖不止，是雨不時也。據其苗稼生死，則為水與旱也。祭是祈禱之小祭耳。若大旱而雩，則徧祭天地百神，不復別其日月與山川者也。○**國**有水至福祥。○正義曰：水旱癘疫，俱祭山川。杜畧萬疫而不言之耳。杜言山川之神，若臺駘者，下云星辰之神，若實沈者，言此祭祭祭其先世主山川主星辰者之神矣。非獨祭此山川星辰之神也。計日月無其主者，以與星辰俱是天神，連言之耳。周禮大祝掌六祈，以同鬼神示。一曰類，二曰造，三曰禮，四曰禋，五曰攻，六曰說。鄭眾云：禋，日月星辰山川之祭也。鄭玄云：禋，告之以時有災變也。禋如日食，以朱絲營社也。鄭玄之此言，取公羊為說。莊二十五年公羊傳曰：日食以朱絲營社，或曰脅之，或曰為闇，恐人犯之。故營之。然社有形質，故可朱絲營繞。日月山川非可營之物。

不得以此解禋也。賈逵以為營，攢用幣，杜依用之。日月山川之神，其祭非有常處，故臨時營其地，立攢表，用幣告之，以祈福祥也。攢，聚也。聚草木為祭處，耳。癘疫謂害氣流行，歲多疾病，然則君身有病，亦是癘氣。而云不及君身者，陳思王以為癘疫之氣，止害貧賤，其富貴之人，攝生厚者，疫氣所不及，其事或當然也。且子產知晉君之病不在於此，故言二者不若君身及君身以病，非癘疫，故不須祭臺駘等也。若君身

則亦出入飲食哀樂之事也。山川星辰之神，又何為

焉。**國**言實沈臺駘不為君疾。○樂音洛。○若君至事也。○

子云：飲食不時，逸勞過度者，病共殺之。此云出入，即逸勞也。據國君之身，則朝以聽政，晝以訪問，是出也。夕以修令，夜以安身，是入也。僑聞之，君子有四時：朝以聽政，晝以訪問，是出也。夕以修令，夜以安身，是入也。

國政如字。書以訪問。問可否。夕以修令。念所施。



夜以安身於是乎節宣其氣。宣散也。節宣其氣。

以時節宣散其氣也。節即四時是也。凡人形神有限。不可久用。神久用則竭。形大勞則敝。不可以久勞也。神不用則鈍。形不用則痿。不可以久逸也。固當勞逸更遞。以宣散其氣。朝以聽政。久則疲。疲則易之。以訪問。訪問久則倦。倦則易之。以修令。修令久則怠。怠則易之。以安身。安身久則滯。滯則易之。以聽政。以後事。改前心。則亦所。勿使有所壅閉。湫底。以露其體。湫。

集也。底滯也。露羸也。壹之則血氣集滯。而體羸露。於勇反。湫子小反。徐音秋。又在酒反。服云。勿使至著也。底。丁禮反。服云。止也。羸。劣危反。下同。其體。○正義曰。壅。謂障而不使行。若土壅水也。閉。謂塞而不得出。若閉門戶也。湫。謂氣聚底。謂氣止。四者皆是不散之意也。氣不散則食不消。食不消則食少。食少則肌膚瘦。肌膚瘦則骸骨露也。言人之養身。當須宣散。

常

其氣勿使氣有壅閉。集滯。以羸露其形骸也。○集至羸露。○正義曰。服虔云。湫。著也。底。止也。杜云。湫。集也。底。滯也。皆是以意訓耳。壅。閉言其不得散出。故以湫底為集滯。言氣聚集而停滯也。若以湫為著。則與止同義。故易之以為集。其止滯亦同義也。上文所云。四時之事。若其壹之。則血氣集滯。使不得宣散。氣不散。則骨羸露也。肥則膚肉厚。骨不見。瘦則肌膚薄。故體羸露。羸露是露骨之名。其義與保相近。保。露形也。羸。露骨也。瘦。必羸。羸亦瘦之別名。今晉侯壹之者。唯謂安身親近婦人。四時皆爾。以恒安身不動。故使氣集。茲心不爽。而昏亂。百度。茲此也。爽明也。百度。

百事之節。茲心不爽。而昏亂。百度。茲此也。爽明也。百度。神疆形弱。則神弱。神長隨形。而盛衰也。既露其體。則神識亦弱。致使此心不明。照察失宜。而昏亂。百事之節度。今無乃壹之。同四時也。則生疾矣。僑又聞之。



內官不及同姓。內官嬪御。嬪婢。其生不殖。殖。

長也。美先盡矣。則相生疾。同姓之相與先美矣。美。

極則盡。盡則生疾。其生至生疾。正義曰。此僑重。

同姓則夫婦所以生疾。性命不得殖長。何者。以其同。

姓相與先美。今既為夫妻。又相寵愛。美之至極。在先。

盡矣。乃相厭患。而生疾病。非直美極。惡生疾病而已。

又美極。驕寵更生妬害也。故晉語云。異姓則異德。異。

德則異類。異類雖近。男女相及。以生民也。同姓則同。

德。同德則同心。同心則同志。同志雖遠。男女不相及。

畏瀆敬也。瀆則生怨。怨亂育災。災育滅性。是故取女。

辟同姓。畏亂災也。禮記大傳云。百世而昏姻不通者。

周道然也。然則周法始如此耳。前代則不然也。蓋以。

前代敬簡。未設禁防。周人以其慢瀆。故立法以禁之。

劉炫云。違禮而娶。則人神不祐。故所生不長也。晉文。

姬出而霸。諸侯同姓。未必皆不殖。此以禮法為言。勸。

故 妬

勵人耳。同姓至生疾。正義曰。劉炫云。人之本。

心自然有愛。愛之所及。先及近親。同姓是親之近者。

其愛之美必深。是同姓之相與。先自美矣。若使又為。

夫妻。則相愛之美尤極。極則美先盡矣。美盡必有惡。

生。故美盡則生疾。此以禮為。君子是以惡之。故志曰。

防推致此意耳。晉語云云。同。買妾不知其姓。則卜之。違此二者。古之所慎也。壹。

四時取同姓。二者古人所慎。惡如字。又烏。買妾。

之。正義曰。曲禮云。取妻不取同姓。故買妾不知其。

姓。則卜之。鄭玄云。為其近禽獸也。妾賤。或時非賤。取。

於賤者。世。男女辨姓。禮之大司也。辨別也。列反。

無本繫也。今君內實有四姬焉。同姓姬四人。其無乃是也乎。

若由是二者。弗可為也。已。為治也。四姬有省。猶可。



無則必生疾矣

**國**

據異姓去同姓故言省

○省所景反徐所幸

反註同去

**國**

四姬至疾矣○正義曰子產云四姬之起呂反

寵愛於四姬之事如此猶可若無異姓之女減省公情專愛四姬則必由此故以生疾矣劉炫云子產言若於同姓不深病猶可差若於四姬有此省相見稀接御則此病猶尚可如無稀省耽之過度則必生疾

叔向曰善哉

**國**

未之聞也此皆然矣叔向出行人揮

送之

**國**

送叔向叔向問鄭故焉且問子皙對曰其與

幾何

**國**

言將敗不久○與如字又音預幾居豈反無禮而好陵人

怙富而卑其上弗能久矣

**國**

為明年鄭殺公孫黑傳

○好呼報反怙音戶

晉侯聞子產之言曰博物君子也重賄之

○晉侯求醫於秦秦伯使醫和視之曰疾不可為也

是謂近女室疾如蠱

**國**

蠱惑疾

○近附近之近蠱音古

**國**

是謂至如

蠱○正義曰女在房室故以室言之是謂近女室說此病之由由近女室為此病也又言疾如蠱言此疾似蠱疾也蠱者心志惑亂之疾若今昏狂失性其疾名之為蠱公惑於女色失其常性如彼惑蠱之疾也蠱是惑疾公心既惑是蠱疾而云如蠱者蠱是失志之疾名志之所失不獨為女宜八年傳胥克有蠱疾者直是病而失性不由近女為之此公淫而失志未全為蠱故云如蠱

如蠱下云惑以喪志知非鬼非食惑以喪志

蠱是心志惑亂之疾

色而失志

○喪息非鬼至喪志○正義曰此說公病之狀病有鬼為之者有食為

之者此病非鬼非食淫於女

色情性惑亂以喪失志意也

良臣將死天命不祐

**國**

**國**

**國**

**國**

**國**



良臣不匡救君過故將死而不為天所祐音右公曰

女不可近乎對曰節之先王之樂所以節百事也故

有五節音五聲之節遲速本末以相及中聲以降五

降之後不容彈矣音此謂先王之樂得中聲聲成五

降而息也降罷退音降音絳下及註同或音戶

至彈矣音正義曰女之為節不可得說故以樂譬之

先王之為此樂也所以限節百種之事故為樂有五

聲之節為聲有遲有速從本至末緩急相及使得中

和之聲其曲既了以此罷退五聲既成中和罷退之

後謂為曲已了不容更復彈作以為煩手淫聲鄭衛

之曲也劉炫云言五降而息罷退者五聲一周聲下

而息前聲罷退以待後聲非作樂息也樂曲成乃息

非五聲一周得息也又傳於是至弗聽劉云此說降

擊

吐

後不彈之意也五聲皆降則聲一成曲既未成當從

上始不以後聲來接前聲而容手妄彈擊是為煩手

此手所繫非復正聲是為淫聲淫聲之漫塞人於是

心耳乃使人忘失平和之性故君子不聽也

有煩手淫聲悖堙心耳乃忘平和君子弗聽也音五

降而不息則雜聲並奏所謂鄭衛之聲音悖他刀反

音五降至之聲音正義曰五降不息則非復正聲

也樂記云鄭衛之音亂世之音也又曰鄭音好濫淫

志衛音趨數煩志是言鄭衛之聲是煩手雜聲也

物亦如之音言百事皆如樂不可失節至於煩乃舍

也已無以生疾音煩不舍則生疾音舍音捨註同君子之近

琴瑟以儀節也非以悖心也音為心之節儀使動不



過度天有六氣謂陰陽風雨晦明也降生五味謂金味辛木味酸水味鹹火味苦土味甘皆由陰陽

謂金味辛木味酸水味鹹火味苦土味甘皆由陰陽

風雨而生謂金至而生○正義曰尚書洪範云

曰土水曰潤下火曰炎上木曰曲直金曰從革土爰

稼穡潤下作鹹炎上作苦曲直作酸從革作辛稼穡

作甘孔安國云鹹水鹵所生也苦焦氣之味也酸木

實之性也辛金之氣味也甘味生於百穀也是五味

為五行之味也以五者並行於天地之間故洛書謂

之五行物皆有本本自天來故言五者皆由陰陽風

雨而生也是陰陽風雨晦明合雜共生五味若先儒

以為雨為木味風為土味晦明為水味明為火味陽為

金味而陰氣屬天不為五味之主此杜所不用也洪

範本文以生數為次水火木金土大禹謨六府之次

水火金木土穀月令於四時之次木火土金水杜數

五味之次金木水火土以五行相循更互相代其次

分

不以為常隨便言耳此註所言五味五色五聲配五行者經傳多有之洪範是其本月令尤為明杜所解令文也發為五色辛色白酸色青鹹色黑苦色

赤甘色黃發見也見賢徵為五聲白聲商青聲

角黑聲羽赤聲徵黃聲宮徵驗也聲徵淫生六疾

淫過也滋味聲色所以養人然過則生害天有

疾正義曰上既以樂譬女乃云物亦如之至煩乃

舍言用之有節也此又本諸上天言物皆不得過度

也氣皆由天故言天有六氣也五味在地故云降生

味皆由陰陽風雨晦明而生是言六氣共生五行故杜解五

一氣生一行也味則嘗而知未有形色可視發見

而為五色也色既不同其聲亦異為驗而為五聲也

此味聲色也皆本諸上天所以養人用之太過則生

疾火亢

及五



六種之疾。○**淫**過至生害。○正義曰：此淫生六疾，承氣味色聲之下，則謂四者之過皆生疾也。但醫和將說晦淫惑疾，故下句特舉六氣之淫，其言不及味與聲色，故杜解以備之。言滋味聲色所以養人，然過則生疾，以見淫生六疾，非獨六氣生疾也。但六氣曰

**陰陽風雨晦明也**，分爲四時，序爲五節。○**六氣**之化

分而序之，則成四時，得五行之節。○**六氣**至之節

共行無時止息，但氣有溫暑涼寒，分爲四時。春夏秋

冬也，序此四時以爲五行之節，計一年有三百六十五

日，序之爲五行，每行得七十二日，有餘土無定方，

分主四季，故每季之末有十八日，爲土正主日也。

**過則爲菑**，陰淫寒疾，寒過則爲冷。○**菑**音

疾。○**熱**過則喘渴。○**喘**昌，**風淫末疾**，末四肢也。風

爲緩急，**雨淫腹疾**，**雨**淫之氣爲洩注。○洩息列，**晦**

**淫惑疾**，**晦**夜也，爲寔寢過節，則心惑亂，**明淫心疾**。

○**明**晝也，思慮煩多，心勞生疾。○**思**息，**利**反。

曰：上云淫生六疾，總謂氣味聲色。此云過則爲菑，獨

謂六氣過耳。過卽淫也，故歷言六氣之淫，各生疾也。

此六者陰陽風雨有多時，有少時，晦明則天有常度，

無多少時也。今言淫者，謂人受用此氣有過度者也。

陰過則冷，陽過則熱，風多則四肢緩急，雨多則腹腸

泄注。此四者雖各以其氣與人爲病，若其能自防護

受之不多，則得無此病也。其晦明亦是天氣，不以病

人，但人用晦明過度，則人亦爲病。晦是夜也，夜當安

身，女以宣氣，近女過度，則心惑亂也。明是晝也，晝以

營務營務當用心，思慮煩多，則心勞敝也。陰陽風雨

當受之有節，晦明當用之有限，無節無限，必爲菑害。

故過則爲菑也。○**菑**末四至緩急。○正義曰：人之身



體頭為元首，四支為末，故以末為四支，謂手足也。風氣入身，則四支有緩急，賈逵以末疾為首疾，謂風眩也。  
**女陽物而晦時，淫則生內熱感蠱之疾。**  
女常隨男，故言陽物。家道常在夜，故言晦時。  
女陽至之疾，為陽女為陰女，常隨男，則女是陽象之物也。而晦夜之時用之，若用之淫過，則生內熱感蠱之疾。以女陽物故內熱，以晦時感蠱也。晉語云：文子問醫，和曰：君其幾何？對曰：若諸侯服不過三年，不服不過十年。過是晉之殃也。孔晁曰：人雖有命，荒淫者必損壽。無外患，則并心於內，故三年死。諸侯不服，則思外患，損其內情，故十年無道之君。今君不節不時，能無及此乎？  
**出告趙孟，趙孟曰：誰當良臣？對曰：主是謂矣。主相晉國於今八年，晉國無亂，諸侯無闕，可謂良矣。和聞之。**

**國之大臣，榮其寵祿，任其大節，有蓄禍興而無改焉。**  
改，改行以救菑。○相息亮反。行，下孟反。  
**必受其咎。今君至於淫，以生疾，將不能圖恤社稷禍孰大焉？主不能禦，吾是以云也。**  
云主將死。○答其九反。禦，本亦作御。魚呂反。  
**趙孟曰：何謂蠱？對曰：淫溺惑亂之所生也。**  
淫，淫也。○正義曰：此淫謂淫於女。乃狄反。嗜，淫溺至生也。○正義曰：此淫謂淫於女。時志反。淫，淫也。沒，水謂之溺。沒於嗜欲，與溺水相似。故淫溺連言之。此論晉侯將蠱疾，故言淫溺惑亂之所生耳。人自有欲，故失志。性恍惚，不自知者，其疾名為蠱。蠱非盡由淫也。以毒藥藥於文皿，蟲為蠱。人令人不自知者，令律謂之蠱毒。  
**於文皿蟲為蠱。**  
文字也。皿，器也。器受蟲害者為蠱。○皿，命景反。說文讀若猛字。林音猛。



穀之飛亦為蠱。穀久積則變為飛蟲，名曰蠱。在周

易，女惑男，風落山，謂之蠱。巽下艮上，蠱，巽為

長女，為風，艮為少男，為山，少男而說長女，非匹，故惑。

山木得風而落。巽音遜，艮古恨反，長丁丈反。皆同。

物也。物猶類也。趙孟曰：良醫也，厚其禮而歸之。

贈賄之禮。楚公子圍使公子黑肱伯州犂城犖

郊。黑肱，王子圍之弟子，皙也。犖，縣屬南陽，郊縣屬

襄城，犖，今河南陽翟縣，三邑本鄭地。犖，尺州反，犖

洽反。鄭人懼子產曰：不害，令尹將行大事。謂將弑

君而先除二子也。二子，謂黑肱、伯州犂，禍不及鄭

何患焉。冬，楚公子圍將聘于鄭，伍舉為介，未出竟，聞

王有疾而還。伍舉遂聘。十一月，巳酉，公子圍至，入問

王疾，縊而弑之。縊，絞也。孫卿曰：以冠纓絞之，長歷

推，巳酉，十二月六日，經傳皆言十一月，月誤也。介

竟音境，縊一或反，弑申志反，絞古卯反。縊，絞至誤也。正義曰：孫

卿子，漢宣帝諱詢，故轉為孫也。下有十二月甲辰朔

甲辰，後五日得巳酉，故杜以長歷推巳酉，是十二月

六日，而此郊敖之卒，經傳皆云十一月巳酉，杜為十

一月誤者，止謂十一月不得有巳酉，以巳酉為誤，十

一月非誤也，必知然者，若以為十二月巳酉，則六日

巳酉，子于奔晉，至晉猶見趙孟，七日庚戌，趙孟卒，便

况 謂



便

是日相切迫無相見之理故知十一月為是已酉為誤劉炫以為杜云誤者以十一月為誤當云十二月而規杜氏非也劉炫規云杜言十一月誤當為十二月案下文趙孟庚戌卒彼是邾敖今日死趙孟明日卒則子于奔晉不得見趙孟而議其祿故謂十一月是已酉字誤也遂殺其二子幕及

平夏皆邾敖子右尹子于出奔晉幕音莫夏戶雅反

干王子比宮廢尹子皙出奔鄭因築城而去

反殺大宰伯州犂于邾葬王子于邾謂之邾敖邾敖

楚子麋使赴于鄭伍舉問應為後之辭焉問赴者

對曰寡大夫圍伍舉更之曰共王之子圍為長伍

舉更赴辭使從禮此告終稱嗣不以篡弑赴諸侯共

王音恭長丁文反子于奔晉從車五乘叔向使與秦公子同

食食祿同皆百人之餼從才用反乘繩證反下同

卒也其祿足百人餼許氣反

周禮司馬序官文也祿足百人謂與之田取稅以共

食足為百人餼也晉語稱秦后子楚公子于來仕叔

向為太傅實賦祿韓宣子問二公子之祿焉對曰大

國之卿祿一旅之田上大夫一卒之田夫二公子者

上大夫皆趙文子曰秦公子富謂秦鍼富強秩祿

不宜與子于同叔向曰底祿以德底致也

鈞以年年同以尊公子以國不聞以富且夫以千乘

去其國疆禦已甚詩曰不侮鰥寡不畏疆禦詩大



雅侮陵也。

○夫音扶侮亡甫反鰥古頰反

**底**底祿至以尊。○正義曰：德大則官高，官高則祿

厚，故致祿以德之小大為差也。

年同以尊，謂以官為之尊卑也。秦楚匹也。使后子與

子干齒。

**以**以年齒為高下而坐。辭曰：鍼懼選。楚公子

不獲，是以皆來。

**亦**唯命。不獲，不得自安，言俱奔事

有優劣，唯主人命所處，謙辭。且臣與羈齒，無乃不可

乎。

**后**后子先來仕，欲自同於晉臣為主人。子干後來

奔，以為羈旅之客。史佚有言曰：非羈何忌。

**忌**忌敬也。

欲謙以自別。

○佚音逸別彼列反

**非**非羈何忌。○正義曰：忌敬

何須敬之，言子干是客，當須敬之。我不敢與同，是謙以自別也。

○楚靈王即位，蓬罷

熊罷

為令尹，遠啓疆為太宰。

**靈**靈王公子圍也，即位易名

罷。

○罷音皮疆其良反又居良反

鄭游吉如楚，葬邾敖，且聘立君。

歸謂子產曰：具行器矣。

**行**行器會備，楚王汰侈，而自

說其事，必合諸侯，吾往無日矣。子產曰：不數年，未能

也。

○汰音泰說徐音悅始悅反數所主反

○十二月

晉既烝。

○烝冬祭也承反

趙孟適南陽，將會孟子

餘。

孟子餘，趙衰、趙武之曾祖，其廟在晉之南陽溫

縣，往會祭之。

○衰初危反

**孟**孟子餘，趙衰。○正義曰：服

若其必然，當先衰後盾，何以先言孟也。杜以孟子甲



氏

二

辰朔烝于溫趙氏烝祭甲辰十二月朔晉既烝趙

孟乃烝其家廟則晉烝當在甲辰之前傳言十二月

月誤趙武至月誤○正義曰杜以十二月晉既

也此句乃云甲辰朔烝于溫案文言之則是來年正

月朔也服虔云甲辰朔夏十一月朔也若是夏十一

月朔當於明年言之而此年說之何也杜以服虔不

通故為此解云晉既烝趙孟乃烝其家廟則晉烝當

在甲辰之前當言十一月傳言十二月月誤也劉炫

以為晉烝及趙孟適南陽並在十一月之前文繫十

二月者欲見烝後即行先公後私十二月之文為下

甲辰朔起本舉月遙屬下明晉烝猶在朔前十二月

非誤也若必如劉言傳當云晉既烝趙孟適南陽將

會孟子餘十二月甲辰朔烝于溫足明先公後私之

義何須虛張十二月於上遙為甲辰朔起庚戌卒

本傳文上下未有此例劉炫之言非也

十二月七日終劉定公秦后子之言鄭伯如晉及

雍乃復弔趙氏蓋趙氏辭之而還傳言大夫疆諸

侯畏而弔之○及雍於用反



